

小倉山房詩集

小倉山房詩集卷二十六 己亥庚子

錢唐袁枚子才

正月二十二日出門作

衰年作事當收棋檢點遊裝有所思江上風花趁春日  
家鄉弋釣憶兒時殘書看慣隨身帶愛子初生負襁隨  
自笑此行緣底事西湖還欠幾行詩

秦園

爲高必有因爲園必有藉美哉秦家園竟把惠山借入  
門先見水得樹便忘夏縱橫兩石橋屹作天河跨紆轉  
山徑曲琮琤泉響瀉濕衣嵐翠飛打頭松子下得意在  
邱壑忘言到亭榭我來四十年品題殊未暇底事忽留

詩再遊心再化

第二泉

清絕形難比源深取不窮知名不知味來往一杯同

雨夜泊嘉禾訪陳梅岑秀才次日喜晴全遊烟雨樓三塔寺

久輟牙琴感紫居一朝親叩子雲廬船衝急雨剛停槳  
手握詩人便起予嬌女抱來冰雪似華堂指點火焚餘  
卅年世好三年別說到深情海不如

相約鴛湖打槳行萬金難買此宵晴一樓烟雨人初到  
塔風光水正生桃尙留花待殘客柳如招我過清明  
白頭愛話悲懽事紅盡掩燈未入城

入武林城作

肩輿望見聖湖烟觸目情生故國天不是還鄉是尋夢  
一邱一壑總纏綿

雖名故土全無屋且喜殘春尚有花笑挈姪人住僧舍  
不成孤客不成家

安排遊計首頻搔各裡光陰怕寂寥晴日尋山雨尋客  
不教孤負一春宵

成見年來久不存麻鞋隨處踏芳塵朱門蓬戶無分別  
只要能容自在身

西湖德生菴小住

遊山如讀書少年力不勞垂老意愴然亟亟還思補我

本西湖人久離西湖土當其家居時頗爲一城阻及平  
宦遊後更覺相思苦今乃白頭來卜寓在湖所有如久  
饑人見物思盡取又如矍鑠翁餘勇必盡賈朝將湖烟  
吞暮把湖月吐行湖一枝筇盪湖兩枝櫓湖意亦懼迎  
浪花如雪舞

月夜斷橋獨坐

一輪月一個我半夜斷橋相對坐湖光照月月增清月  
色當湖湖更大滿湖烟起將山烝山容若睡喚不應我  
亦下橋覓歸路緊認僧菴一點燈

孤山

一山自起伏不藉羣山扶既不傍城郭又獨占裡湖頗

似臯蕪世別有巢由徒宜乎數千年獨居處士逋自呼  
梅爲妻自畜鶴作孥雖捐茂陵稿恰修薦賢書倘非際  
明盛寧肯効區區我攜影獨來一僮一僕無問我胡爲  
然也學孤山孤

登六和塔

一塔表江清觚稜夕照明盤旋看下界絕頂見平生乍  
上微嫌黑彌高轉不驚縱教吹落地也有半年程

遊紫雲金鼓諸洞

看山侍一筇有境我必到垂老戒在得山靈莫相笑初  
尋紫雲幽再探金鼓奧泔泔石乳滴蹠蹠仙鼠跳古藤  
高擎空丹厓低設竈穴深不可測誘我往前導忽然一

梁橫故意將人拗喜無元霜侵永辭白日炤偉哉真宰  
心憂憂喜獨造關險乃出奇因空始見妙寄語世間人  
頑石猶有竅

謁岳王墓作十五絕句

靈旗風捲陣雲涼萬里長城一夜霜天意小朝廷已定  
那容公作郭汾陽

遠寄金環望九哥一朝兵到又回戈定知五國城中淚  
更比朱仙鎖上多

一個西湖換兩宮靖康小雅唱雍雍憐他絕代英雄將  
爭不遲生付孝宗

軍令如山鳥不譁黑風龍虎盡呼爺自然慈聖還宮日

苦向官家問岳家

歲歲君臣拜詔書南朝可謂有人無看燒石勒求和幣  
司馬家兒是丈夫

要盟結贊屢變弓翻錄和我魏絳功老住迷樓人不醒  
趙家天子可憐蟲

小校桓桓道姓施湧金門外有專祠雄心似出將軍上  
不斬金人斬太師

要結中朝絳灌權分將戰艦贈同官韓王心喜張王惱  
始信人間送禮難

允升一疏奏楓宸與汝何干竟殺身擬把東廂添配享  
黃金鑄個布衣人



華表凌霄落照遲一朝孤憤萬年知梨花寒食燒香女  
纖手都來折檜枝

不依古法但橫行自有雲雷繞滕生我論文章公論戰  
千秋一樣鬪心兵

五十三人命已休秦城王氣忽然收教渠暫緩須臾死  
那數中原劉彥游

身後何曾有定論金陀野史仗文孫紫陽調語瓊山繼  
燭火無光照覆盆

恰有孤疑問殿前周歎入廟竟身顛史駢敵怨分明在  
只恐當年事偶然

江山也要偉人扶神化丹青卽畫圖賴有岳于雙少保

人間才覺重西湖

孫秀姑墓

我年八歲才讀書大母爲言孫秀姑今年六十偶行路  
得見秀姑湖上墓秀姑生長貧家裏髮鬢便行拜時禮  
郎小從師赴學堂姑衰抱病居田里隣家嚴虎里中豪  
望見嬋娟眼欲燒初將軟語投梭誘繼嫉妖童作餌挑  
女兒自是女貞木豈許纖埃污白玉已歌暮棘刺陳佗  
重上輜車置董卓匪人窮怒轉成羞道不穿墉誓不休  
朝擲餅金窺浴所暮隨鴟吻望墻頭秀姑膽小空房怯  
生恐雄狐勢漸逼皎月當天自有光紅蘭拒雪愁無力  
層層縫裹舊衣裳訣別慈姑掩洞房一夕伯姬雖命絕

十旬劉表尙屍香官吏聞之愧無狀急擒鼠輩尸諸巷  
扁表巍峩北關來風雲蕭瑟西湖葬此事茫茫八十春  
當時碑碣漸沉淪寄言當事徵文獻且莫修培蘇小墳  
時西湖修蘇小墳不知小墳在嘉興見武林舊志

三月四日項金門秀才招同吳西林汪槐堂諸公  
補修襖詩得春字

卅年不見故園春一夕南還得主人佳節已過修襖日  
華堂還召苦吟身酒邊分韻詩隨意花下談禪鳥問津  
西林夢樓席間談禪人多遊席恰好山陰儂買棹蘭亭方欲訪前因

贈金門

之子武林秀相逢喜不禁惜春常速客得句便題襟雅

抱推袁意難忘說項心爲君歸緩緩湖上落花深

雲棲寺

竹密不見天竹盡乃見寺相傳蓮池師于此建初地匪徒參高禪亦且見小智矮屋難搖風戒嚴易蕝事眷屬許同宿貴賤無二味更有終老堂窮氓隨所寄一切部署法井井有條例宜乎十方民甘心多布施禽學梵貝音草帶靈檀氣我亦如閒雲一宿了來意

放生所

天性人爲貴庖犧見理明傷人不問馬宣尼分重輕魚鼈稱咸若未必非杯羹酒馔故西方教兼愛徒涇涇人物混爲一不界濁與清我來放生所刺目尤心驚雞餓且

啄距牛咄半陷阬頑鷲瘦于雀仙鹿穢若蠅是謂違物  
性極枯加天刑放乃未嘗放生不如無生

見雨中喚渡者

船家鎮日喚人行雨後無人肯應聲載得白鷗三兩隻  
水紅花處倍分明

贈撫軍王味隲先生

中丞家世重瑯琊浙水緣深兩建牙謝傅經綸多靜鎮  
汾陽福力自豪華潮聲曉應千家笛燈影宵紅四壁花  
豈獨惠民兼禮士四方名宿走雷車

會蒙草奏牧秦郵回首恩門感未休

枚牧高郵先

一樣

憐才家法在卅年往事水東流星雲有耀能垂蔭蒲柳

將衰易感秋願得白頭還故里村村扶杖聽歌謳

清明

枝枝楊柳可憐生  
朶朶梨花笑不清  
四十年前舊遊客  
故鄉今日過清明

月夜老姊兩姬挈阿遲泛舟西湖予亦追至孤山  
小飲而返

門外一舟泊小僮偷掉之舉家遊西湖主人猶未知愛  
茲明月光亦復呼舟往相逢孤山巔彼此各停漿酒家  
未關門遣僕沽一壺空明水晶宮圍圍家慶圖小醉將  
舟泊人生且行樂月照子若妻已成梅與鶴

題萬九沙先生小像有序

先生諱經康熙戊辰翰林任學使罷官乾隆元年  
召試鴻博以老疾辭全謝山作公車徵士錄海內  
凡一百八十人序齒先生冠首枚署尾今年在杭  
州其季子福持遺像索題

當年 丹詔召耆英驥尾龍頭記得清未共殿前揮采  
筆忽從畫裡見先生春風有影鬚眉在流水無聲歲月  
更幸喜小同才絕世禮堂經學繼康成

淨慈寺同舟湖中風雨暴作

一角雷峰黑三潭雨忽狂小舟如鷁退高浪比人長荇  
藻難援手蛟龍欲入艚倘非風少定幾作水仙王

施將軍廟

將軍名全以小校刺秦檜不克死

一德格天閣正新一刀殺賊乃有人歎天冤憤仗誰雪  
殿前小校施將軍將軍煉心如煉鐵可惜荆軻疎劍術  
事雖不了神鬼驚懸頭市上香三日當時元姦黨滿朝  
縛虎如羊氣太驕忽然刀光狹路照太師頸上風蕭蕭  
嗚呼三字獄兩宮駕總在將軍此刀下後代聞英風尙  
且有興者君不見腦碎銅椎阿合馬

萬松書院

萬松環一嶺書院建其巔我昔來肄業弱冠方童顏當  
時楊夫子經史腹便便門墻亦最盛濟濟羅諸賢我每  
遇文戰徹夜窮鑽研至今咳唾處心血猶紅鮮何圖目



八卷上房  
卷二十六  
八  
一瞬垂垂五十年先師墓木拱諸賢盡雲烟我來重過  
此几席猶依然悞欲往學舍執卷趨師前昔也離家遠  
廿里走僦僦今也升講堂一步一扶肩昔爲服子慎絳  
帳時周旋今爲蒞子訓摩挲銅狄仙逝者竟如斯能無  
意自憐羨殺丹桂花無言但參天

偕阿遲上冢

周晬嬌兒索乳忙抱來學拜祖塋旁春風似解人間事  
一縷香烟吹漸長

渡錢塘江

卅年前渡此江風白髮重來似夢中就使江神最強記  
也難認得此衰翁

禹陵二十四韻

天地平成始皇王禪讓終一人生石紐萬古闢蠶叢玉  
斗胸垂象金鞞耳啓聰尋書齋委宛受牒作司空地險  
龍門鑿人功鳥道通爲魚援赤子幹蠱慰黃熊學裸姑  
狗俗乘標又轉蓬庚辰禽水怪豎亥步崆峒貳負甘雙  
桔將軍號百蟲嘗聞下車泣忍過羽山東破石佳兒出  
開山遁甲窮勤能師學子威不赦防風息壤波全息扶  
桑日更紅過門心淡泊造粉事朦朧鑄鼎神姦列遐方  
玉帛同偶然巡越甸遽爾墜軒弓身自跳天上杳應塋  
穴中葛綉烟露冷陽眇水雲空復土來蒼鳥南風送祝  
融江山猶拱侍廟貌更穹隆真冷懷文命偏枯想聖躬

兩廂環岳牧九殿拜兒童空石摩挲古衡碑刻劃工微  
臣擎旨酒不敢獻元宮

蘭亭

爲有蘭亭序青山屬右軍清流猶映帶名士盡烟雲嘆  
逝能無感論書孰與羣偶然數行字千古訟紛紛

王右軍祠

荒祠碑記永和年東晉衣冠尙宛然觴咏偶留修禊帖  
安危能上會稽箋書名太重經綸掩兒輩分甘樂事偏  
我欲奠公無別物一籠鵝放惠風天

西施廟

人去苧蘿空香烟恰未終死猶存越廟生可想吳宮溪

水澆紗影虛廊響屨風金錢輸一見交與守祠翁  
傳說西施祀鑑湖一帆先自走菰蒲三千年後情如許  
可是前生范大夫

石屋寺

怪石墜空天陲地猶露縫一手推可搖萬年吹不動石  
旁有古寺栽栽糾殿垂終朝鐘鼓寂但見烏雀窺蕭愍  
留手迹寺有于蕭愍手書迢迢三百秋問僧僧不知愈覺山中

吼山

幽西齋尤奇絕懸崖接屋瓦不敢開牕看亂山如走馬  
山頂麥開花山腰石張口我舟昂然來直向口中走其  
中別有天澄泓水百畝亦復構亭榭高下羅八九絕壁

摩蒼蒼似將長劍剖斜削爲巖梁架空拖石紐偶然驚  
咳聲千山齊一吼水深試以篙不知有底否但見大魚  
游吞餌幾吞手我遊山川多此景駭未有爲之泊舟看  
自午直至酉

禹陵大松歌

我來禹陵見大松身橫九畝疑防風當日定爲蒼鳥種  
後來不受秦王封扶桑遮日松遮雨各護神聖安元宮  
旁有窳石形奇古堪與千年松作伍想見龍牽引縉時  
呱呱后啓猶摩撫諸侯會葬紛來朝此松未必無枝條  
蒼水使者來挂綠百蟲將軍不敢燒山風吹松作濤起  
鬚掃洪水聲滔滔我欲呼松問禹狀松不能言徒

且折松枝滿載歸驚夸法物商周上

湖上襍詩

浮家泛宅幾回遷

先寓德生菴再遷陳莊

遷得西湖到榻前從此

欄杆憑不了雨餘風定月明天

月明如水浸沙隄上游行一杖攜惹得家僮沒尋處  
夜深孤坐斷橋西

桃花吹落杳難尋人爲來遲惜不禁我道此來遲更好  
想花心比見花深

范公祠裡藕花居四十年前我讀書今日再來人不識  
自家一步一躊躇

誰家愛唱玉玲瓏笛自西飄曲自東一夜蕩搖聲不定

小倉山房  
卷二十一  
十一  
知他船在水當中

飛飛小艇慣穿雲  
傍曉招人到夕曛  
底事游蜂頻繞漿  
兒家衣是藕花熏

煙霞石屋兩平章  
渡水穿花趁夕陽  
萬片綠雲春一點  
布裙紅出採茶娘

坐看陶莊瀑布飛  
珠璣吹滿芰荷衣  
痴心欲向山僧說  
水不流還我不歸

遠望雲鬟意態佳  
近前凝視眼頻開  
豈知卽是我家婦  
一笑各詢何處來

葛嶺花開二月天  
遊人來往說神仙  
老夫心與遊人異  
不羨神仙羨少年

花神十二最清華  
齊著雲裾踏雁沙  
擬向江淹分彩筆  
一章詩贈一枝花

冷泉亭上草如茵  
鎮日看泉泉滿身  
天竺過門偏不入  
觀音應不惱詩人

鳳嶺高登演武臺  
排衙石上大風來  
錢王英武康王弱  
一樣江山兩樣才

六陵何處認冬青  
望帝魂歸淚欲零  
偏有子規不解事  
聲聲啼與岳王聽

山無佛像山才古  
水有魚船水不幽  
我愛九溪十八澗  
把人引去又勾留

金泥光閃梵王宮  
簫鼓沿隄鬪晚風  
從古繁華春世界



朝陽不及夕陽紅

隻鷄斗酒淚潸潸  
師友墳前薦一餐  
只有杜鵑心似我  
滿山紅與故人看

桑女留儂住小車  
春蠶食葉響沙沙  
一甌水白茶如雪

足抵人間七品家

金史七品官才許飲茶

遊遍山南與水南  
就中何處最心貪  
爲他幽絕遊難盡  
兩度呼車別理菴

丁丁鑿石嶺雲開  
魚鳥咸知萬歲來  
世界昇平山水  
福五年一度換樓臺

春宵知是可憐宵  
柳下呼舟月下推  
消受水晶宮世界  
四更猶有滿湖簫

贈轉運陳約洲先生

隱隱金鉦雲外飄，紅旗影共酒旗招。  
爲憐碧草開三徑，特訪幽人到六橋。  
僧換袈裟迎上客，吏隨啼鳥報花朝。  
多公心似西湖月，肯向禪樓照寂寥。

南衙文宴做學思，爭誦仙郎館課詩。

公子庶常

入席東

南名士滿通家，姓氏小君知。

夫人爲李存存先生之女，見枚名紙，驚曰：此五十年

前先君門下士也。

庭無禰草香，生早座有歌童。客散遲更許，劉

楨作平視繡帷，新得好瓊枝。

謝趙耘菘觀察見訪湖上兼題其所著甌北集

乍投名紙已心驚，再讀新詩字字清。  
願見已經過半世，深談爭不到三更。  
花開錦塢登樓宴，竹滿雲樓借馬行。

待到此間才抗手西湖天爲兩人生

集如金海自雕搜滿紙風聲筆未休生面果然開一代  
古人原不占千秋交非同調情難密官到殘棋局可收  
我倘渡江雙槳便定來甌北捉閒鷗

大姊索詩

六旬誰把小名呼阿姊還能認故吾見面恍疑慈母在  
徐行全賴外孫扶名阿常當前共坐人如夢此後重逢

事恐無留住白頭談舊話千金一刻對西湖

四月十一夜月色小明步往泊鷗莊與陶篁村論  
詩次日連雨方喜前夜之不負也

見月思幽人踏月走林莽柴門風竹喧未撞已聞響主

人卧而起枕痕猶在穎剪燭哦新詩忘言契真賞訝我  
月未圓胡爲急見訪我道來日難陰雨或者倘別後果  
連陰回首成惘惘黑雲半遮渡急浪欲沉槩枯坐湖樓  
中翻把前日想豈徒判鴻溝直欲分天壤嘆息月一輪  
消受不能強何況行樂處得往宜速往

春草

離離春草遍山中寂寂飛香過澗東儘有靈根堪濟世  
無人來採自搖風

訪柴東升墓不得

當年曾附李膺舟全到滕王閣上遊一路聯吟春夢在  
百年再見此生休浮家聞說居東粵歸骨何時葬首邱

斗酒雙雞無處薦，腹猶未痛淚先流。

西湖小竹枝詞

妾在湖上居，郎往城中宿。半夜念郎寒，始覺城門惡。  
蠶絲難上手，蛛絲易惹人。蛛絲吹即斷，蠶絲永着身。  
雨餘紅意斂，風定黛痕長。妾請學西湖，今朝是淡粧。  
朝喚岳墳前，晚喚茅家埠。不知相思寬，船家可能渡。  
遠遠韜光磬，聲淨慈鐘鴛鴦聽不得，飛上北高峰。  
與嚴立堂請公湖樓小集題折花圖贈高校書  
先從畫裡認真真，再向風前見洛神。真個嬋娟人絕代，  
桃花顏色柳花身。

定情早服黃昏散，張飲重陳窈窕湯。底事兒家姓高氏。

想因行雨過高唐

膩粉輕雲一色寒湖山須對美人看  
漁翁遠望不相識  
只道高樓賞牡丹

贈錢竹初明府

早窺叔寶便心傾  
廿載重逢似隔生  
共惜官階甘小隱  
誰知詩律等長城  
梅花最近仙標格  
醇酒還輸玉性情  
聽管迎 藝書畫事所司終竟比人清

賜我青梨曲數行  
故人顏色焰湖光  
深談合拍各雙笑  
招飲隔城時一觴  
隄上花飛春欲去  
篋中扇掩字猶香  
期君大雅扶輪意  
好繼賢兄白侍郎

連日

連日稱觴召故人，滄桑往事說津津。  
歸來我卽遼東鶴，何必他年有化身。

諸姨姊妹盡來過，白髮飄蕭半阿婆。  
挈女拖孫燈下坐，大家還記乳名多。

恩酬一飯意忡忡，敢向淮陰拜下風。  
只要此心長不昧，千金原與一金同。

余將返金陵行有日矣，葯洲轉運招余于夢樓探  
花金柘田狀元集一分屋題唐子畏夜堂賦別圖  
遊子還鄉難久住，朝朝泥飲親朋處。  
轉運多情更愛才，一車載入南衙去。  
南衙水竹最清華，燕寢香生雨後花。  
銀燭光中三雅滿，金盞頂上二仙譚。  
入門先問陳蕃榻。

免隔重城愁鎖鑰。賜來半臂護春寒。乞得新茶解消渴。  
文房張眼盡琳瑯。就裡尤珍古錦囊。匏菴首唱唐生畫。  
都爲江淹別夜堂。春盤獸炭詩紛列。鳳翥鴻驚字奇絕。  
一夕揮毫事偶然。千秋動色嗟神物。我亦階前拜別身。  
披圖展卷易傷神。請留鴻爪將飛跡。記取龍華會上人。

留別杭州故人四首

滿耳鄉音聽未終。東關行李又匆匆。孔僖久已官臨晉。  
頰上無由返醉翁。此日花間送殘客。明朝天外望諸公。  
回頭多少酣嬉事。交與湖樓一夜風。

巾車踏遍九州塵。到底吾鄉意氣真。入郡未爲投刺客。  
敲門先有送詩人。士將皇甫呼前輩。官忘陶潛是部民。



公席間諸太守推子首坐招飲一宵三四處擬分身醉武林春

江頭久已買歸舸自改行期自解嘲白髮牽衣諸姊妹  
青燈投轄舊漁樵千山幸已都扶杖一事猶差未看潮  
暗裡不禁衰淚落兒時同學已全凋

諸公儂我莫留連我道重來只隔年擬率兒童迎 聖  
駕兼看金碧耀諸天遊山也有前生福結伴誰爲陸地  
仙寄語項斯休忘約天台早爲買吟鞭 金門約遊天台

烟景

天然烟景足清幽底事齊梁鬧不休文士鐫碑僧鑿佛  
萬山無語一齊愁

京口卽事

舟輕風太大愈順愈難行急向金山泊已聞桅折聲  
方愁三日泊忽又一帆開任汝聰明極天心那可猜

京口遇王蘭泉廷尉舟中見贈四章卽如其數荅  
之

廿載分襟感昔遊一朝京口竟全舟金山綺麗焦山冷  
頗似尊前兩白頭

謝公陶寫客中情流管清絲夜不停爲道何哉年半老  
不宜相見只宜聽

水廳倚醉便揮毫四首詩成調最高想見金川磨盾日  
飛書羽檄用枚臯

不載楊枝載桂枝折花時是散花時爲儂寄語司關者

敝履遺簪有所思  
子以桂郎薦淮關  
權使君爲載往

乳媪姚氏挽詞

阿如乳媪姚氏在余家十一年頗貞靜今年過  
吳江爲小奴擔水其夫疑之媪怒投水死

防妻李益本模糊李下瓜田孰辨誣難事世間惟有死  
竟將此事曉兒夫

左家嬌女嬖親日曾受斯人乳哺恩今日一棺吳下掩  
教他剪紙與招魂

再題第二泉

不似中冷遠莫求不全廬瀑占高頭出山不遠濟人便  
最好人間第一流

寄懷梁山舟侍講

早辭金紫毗州後，忘却蕭曹是世家。一飯矜嚴常選客，

半生孤冷不宜花。每聞逸事多風義，君于師門友誼行義甚高相別

經年感鬢華。難得清明好時節，忽逢舊雨試新茶。

墨譜牙章手自鐫，寓言詩寄反游仙。君有反游仙十三首談禪不

落三乘後，作楷能追兩晉前。大小冠同杜子夏，予一冠四十年

人多笑之及見君乃覺有裨短長亭送謝臨川，別來又覺秋風起。回

首湖樓一黯然。

寄懷王夢樓太守

未踏金鰲頂上行，中華戒外早知名。君先到琉球後中探花出疆

海水橫身過入夢，宮花繞筆生才于中年。多學道仙人

家法愛吹笙，騷壇旗幟張。多少我覺王維是，正聲

代寫吟箋代整裝。多君處處作津梁，高霞得月方成彩。  
幽草無風敢自香。李翰文枯奏音樂，浪仙詩就獻空王。  
關心手撰鈞天曲，歌到雲璈第幾章。

兩江節相高文端公挽詞

一輪卿月墜烟波，易寶心驚瓠子歌。方喜君恩深北

闕，豈知臣力盡南河。

公薨于公所

春風自向甘棠暖，冬日其

如夕照。何此去公應不寂寞，真臯夔賢相九原多。

卅年門館受恩身，擡舉烟雲意最真。頻把參苓遺老母，  
幾番絲竹宴驢人。南衙語笑春雖遠，小札寒暄墨尚新。  
料得奇章憐社牧，他生還許吐車茵。

二月中似村公子過白下值子遊杭州不獲相見  
留書而去端陽後子還山中賦詩招之并柬其兄  
璞齋觀察

久別不圖君北至乍來偏值我南歸空留案上仙書在  
尙記江頭別淚揮春夢過時蝴蝶老好風吹處春令飛  
相期早踐山中約莫負衰翁掃釣磯

余續夷堅志未成到杭州得逸事百餘條賦詩志  
喜

老去全無記事珠戲將小說志虞初徐鉉懸賞東坡索  
載得杭州鬼一車

贈鍾山書院山長錢辛楣先生

不赴蘭臺赴石城經師我亦得康成  
卜居擬造東西屋  
鐘叩時聞大小鳴滄海水原通碧落隣家燈可借餘明  
如何欲唱思歸引失學先教一叟驚

喜似村至

仙舟重訪武陵津雞犬欣欣迎水濱  
三徑已非前院落  
六郎還是舊丰神詩箋壁上多陳迹僮僕階前少故人  
知否桃花怨公子負他一十五年春

引君全到小蓬壺指認廳前樹幾株  
舊榻豈知今又坐  
新廊可記昔猶無雙鐫爾我留私印  
畧瘦容顏在畫圖

紗厨

石印刻兩人姓名圖  
附雅集圖似村第四

一處傷心君莫往相公遺墨滿

似村約爲平原十日之飲忽賢兄璞齋權安慶臬  
使敦逼還署余不能留寄詩送別

添出一重別君來轉憫余萍蓬才抗手火急又回車公  
子三千里衰翁六十餘欲知腸斷否但看鬢何如

難卜重逢日還思乍見時藕花江館月風竹夜牕詩舊  
夢層層在輕雲冉冉移傷心杜陵叟泉路說交期

蘇州徐西圃居士招同翁東儒文學遊西洞庭同  
宿石公山房作

雙槩出胥口洞庭秋始波水含天影盡山像物形多

太湖

諸峯有龜魚  
老鼠等名鳥駭初來客風留半謝荷到時紅日晚猶

有采菱歌



七十二芙蓉登臨先石公水聲山脚響霜影樹頭空峭  
壁勢相倚冷花香未終湖光三萬頃推蕩佛堂中

待月歸雲洞悠然水面來衆峰如白鶴一色上霜臺倚  
檻沉吟久聞鐘緩步回枝枝松檜影明滅映蒼苔

主人徐孝穆雅意最殷勤感舊招黃髮尋幽入白雲與  
高詩亂寫顏熱酒微醺他日留題處停毫尙待君

君代  
余題

兩絕句于僧  
壁余不知也

登飄渺峯

一峰橫一峰豎一峰一峰行不住行到前峰無可行疑  
被與夫負我上天去與夫笑且言此是洞庭飄渺峰頭  
最高處遙天四望青茫茫白波萬道推眼光琉璃平浦

大地沒炊烟幾點人家藏若非身來塵界外那知山在水中央賴有舟楫功人世得相通桃源聞雞犬笠澤走漁翁不然便是神山可望不可接千秋萬世誰到蓬萊宮天公妬我來大風吹雨至車蓋墜復飛冠纓頸難繫冷雲滿口嚙不及逼人純是蛟龍氣凜乎難久留自掉烟中頭紫鯨不來黃鶴遠老夫行矣無夷猶風兮風兮相吹知有因勸我莫作人間絕頂人

身在

身在雲中身不覺看雲還上最高峰誰知身已穿雲過  
脚下雲鋪萬萬重

林屋洞

林屋山雖低一洞深不已我來入洞行山溜多泥滓初  
入難伸肩再轉才舉趾板輿曳村童人卧作蛇徙一枝  
蠟燭光萬點蝙蝠起照見蓮花垂石床滴石髓如讀禪  
卦傳物物堪比擬更聞聲在空波濤撼兩耳恍疑青山  
巔翻落太湖底急誦靈寶經遠尋龍威子其奈字一行  
大書隔凡矣

伍員墓

一片巍哉土未平鷗夷浮處有佳城遠山雲外學華表  
潮水壠前多怒聲慷慨報仇衰世事淒涼託子暮年情  
祇今廟貌丹青在兩眼猶如盼越兵

消夏灣贈蔡生

灣蕩消夏處舟泊蔡經家幽絕槐眉樹艷開湖目花水  
羞菱角採火米爨烟斜惹得隣兒集驚看遠客車

太湖歸舟遇風仍挈行李宿徐氏西齋題贈西圃  
禮珍心梅三主人

五日乘槎泛仙島塵緣未斷心悄悄急圖歸計見星行  
兩槳嘔啞趁清曉誰知風伯忽怒號強欲留賓相剔爨  
軒然大波吞人面篙折篷掀桅木倒魚龍當客挾山飛  
天地似盆盛水小衾裯沾濕類鮫綃髮飄揚作蓬葆  
舟師握手再四言千金垂堂毋草草不如返旆學叔孫  
切莫沉湘似屈老我無成見最心虛亦且貪遊愛眼飽  
可行則行敢希聖於止知止豈輸鳥從諫如流急轉帆

平生萬事回頭早看山如理舊時書讀過重溫更覺好  
蕭齋雖別再扣門陳榻猶懸休灑掃主人大喜帶笑迎  
伯歌季舞爭相繞連啓西牕指示余七十二峰青未了

贈虎丘主人杜開周

前樓秋水後樓花杜牧三生髻已華我學山塘好明月  
中秋時節到君家

西隣借得好樓臺怪底軒窻面面開風送衣香廊響雁  
水邊時有麗人來

輕舟遠泛洞庭烟八日歸來秋滿天丹桂已殘香未散  
一堆黃雪小牕前

相知已是廿年餘感舊難忘見而初同向風塵識豪傑

梁溪還有老尚書

謂拙修宗伯

余不喜陸行而渡江屢遭大風吟詩自慰

半世不知險歸舟又蕩公蓬散多漏雨帆破不兜風枕  
倚秋江上詩吟大浪中沙禽能識我定是信天翁

寄懷錢瑱沙方伯予告歸里

屏藩官職古稀年九十慈親 聖主憐子舍未伸烏鳥

志 君恩許賦白華篇萊衣久舞宮袍淡孟笄重嘗野

味鮮不負故人期望意果然平地作神仙

公未歸前半  
年余有札寄

云何不捨格天之事業  
來作平地之神仙乎

養堂新築小蓬壺水榭風廊似畫圖伴客一庭惟古木  
離家三里卽西湖書聲到耳聽兒讀花影隨身當婢扶

問捧彈章九天上驚覓還到夢中無公會御黃太保  
千齡會上酒盈卮八首吟成絕妙詞福壽能兼還有母  
性情以外本無詩東山絲竹供陶寫西浙文章仗主持  
可惜超超元妙處靈犀一點少人知

景龍人散巨山存送抱推襟老弟昆卅載閒居輸我早  
一科前輩讓公尊雞壇零落人何在銅狄摩挲手尚溫  
長願白頭兩宮女各談天寶也消覓

瘧

歸自吳門乍泊舟忽然瘧鬼又勾留衰年一病先防死  
騷客三生最怕秋半老楊枝無可遣新添季豹又何求  
行雲流水隨風去仙不相招佛亦收

園中英蓉盛開病中不得見戲題一絕寄調章准  
樹太守家春圃觀察香亭別駕

九月芙蓉開滿園病夫無福倚欄杆妬妻癡母真相似  
家裡紅粧一見難

送孔南溪方伯予告歸里

欣聞永叔賦歸田海內爭看陸地仙上疏官能辭一品  
懸車齒尚欠三年閒拋案牘親書卷笑把衙參換晏眠  
回首甘棠千萬樹晚香吹滿夕陽天

同年零落曉星殘愛我真將國士看詩錄千篇常口誦  
坐留一刻也心懽青山路隔相逢易白髮人歸再見難  
如此交情怎能斷他生還擬續金蘭



題李萼溪詩集

偶讀萼溪集中存贈我篇傷心數行字回首卅餘年莽

莽長安市萋萋古廟烟多君夙緣好乍見便纏綿

土地廟相逢

當時意氣盛重登上雞壇廣集諸年少賡歌到夜闌垂

簾遮石洞送客出花欄記否讀書處高陽池館寒

君寓所爲

李高陽相公故居

秋風吹蕊榜忝竊到蓬瀛從此通家誼兼之折輩行

余出

鄧遜齋先生門下

鄧妻呼乾阿孀郎是小門生借得華

出尊人玉洲公門下  
堂住連墻笑語聲

事過多如夢年華去若風幸虧鴻爪跡都在越吟中雅

麗陰登似清幽裴迪同名揚可容易剩此兩衰翁

故事江寧榜發鹿鳴宴設于府署今年章太守之  
子及其從子均獲中雋于是父爲主人而醮其二  
子于堂上士諭榮之予以詩賀

黃堂張樂宴文星雛鳳雙飛出鯉庭金字榜懸千佛麗  
桂花枝覆一門青竟將國瑞成家慶定有仙雲上畫屏  
寄語鹿鳴歌緩緩佳兒聽罷阿翁聽

謝金圃侍郎以舊時督學典試江南余病中不能  
走謁寄詩奉簡

久簪班管侍岩廊謝傅忠勤動 玉皇已命三年羅俊  
秀更教八月舉賢良秋高碧落翔鳴鳳菊滿重陽正晚  
香自種明珠自家採一時佳話遍江鄉

衡門曾記訪袁絲臘嫩山青雪霽時卿月有心憐小草  
鷓鴣無分託高枝

侍郎爲第四子索婦  
余以齊大非偶爲辭

班春風過禽魚

喜近日雲來水竹知剛值采薪難走侍獻將長句寫相  
思

吳雲南撫軍裴二知先生

退思圖上命題詩拜別卿雲有幾時禮士渾忘身八座

憂民早見髣干絲一家琴學風何古

公舉家  
善琴

萬里棠陰

政可知趣此哀榮歸亦好只憐綠野負心期

白題

不矜風格守唐風不和人詩鬪韻工隨意閒吟沒家數  
被人強派樂天翁

笑

鹵簿逢兒住延之笑不勝我憐穿鼻馬人羨得霜鷹  
香風隔墻至蜂蝶滿堂諱可惜尋春誤花開是別家

春圃香亭兩弟官白下余不能無秦誣楚諉之累  
戲題一詩

紛紛何氏來殘客似向顏家覓要人速把庭籬隔門戶  
謝瞻還覺有風塵

靜掩

靜掩衡門細補籬自家筋力自家知病雖已去身終弱  
老亦何妨曠不宜齒長漸無同話客名高愈有欲刪詩  
把書攤向烟波看半作經師半釣師

遣興一首學皮陸體

家居盤谷泛杯湖便是真靈位業圖仙鶴銜書將字認  
游魚逐隊可名呼青槩曲裡歸雲引玉女溪邊調水符  
儘與幽人供寂寞覺花忍草試工夫

偶然

偶然三月惠風靜關住一門花氣香學博愈增編纂累  
園深時覺歲修忙生前眼福猶嫌少死後文名自信長  
料得安排天總定只嫌無路問蒼蒼

殘冬

殘冬餘幾日風雪滿牕櫺有室徒生白無書可殺青胸  
中齊物論案上度人經欲語憑誰告聞呼凍雀聽

病後作

天不輕作秋一雨一回涼人不容易老一病一頓唐我  
年六十四今春猶聰強上山不嫌高坐夜不厭長有時  
逸興發跳躍如生聲人皆笑此翁童心猶未忘無端秋  
一瘧吾精竟消亡攬鏡不相識樂樂瘦異常加餐輒腹  
悶多言復氣傷彷彿傅元言欲捨形高翔回思春日健  
並未隔千霜如何我羨我已作兩人望始知將盡燈不  
可使扇颺又如將落葉何堪風再戕寄語衰年人寒暑  
宜周防

歲除

左插梅花右水仙當中一叟聳吟肩歲除自把光陰算

又在詩中過一年

掃地焚香有所思  
閒人閒日此閒時  
誰知未了閒人事  
蛛網撩殘剩一絲

傷心

傷心六十三除夕  
都在慈親膝下過  
今日慈親成永訣  
又逢除夕恨如何  
素琴將鼓光陰速  
椒酒虛供涕淚多  
只覺當初懼侍日  
千金一刻總蹉跎

守歲

家家守歲歲不住  
未到五更歲已去  
余不守歲歲戀余  
夕陽欲下猶躊躇  
一來一去歲無痕  
何必強分舊與新  
只愁飲到屠蘇酒  
彼歲排爲末了人  
粗盆焚罷長恩祭

階下兒童小游戲，獨坐黃昏悄不言。且把光陰歲歲記，  
久不衙參不早朝。元辰睡起紅日高，門亦不守無人敲。  
敲門或者梅花梢。

吳協璜把酒對月圖

延陵先生夜不寢，對天揮杯勸月飲。月亦多情解酬客，  
一泓清露杯中滴。君爲主，月爲賓。一酬一酢三更天，衣  
裳飄飄欲化烟。嫦娥天上笑，且言此人又是飲中仙。

元日牡丹詩

魏紫姚黃元日開，真花人當假花猜。那知羯鼓催春早，  
富貴偏從意外來。

約束紅香冷更妍，飄揚霞珮賀新年。果然不愧花王號。



獨占春風第一天

如何絕代玉環姿  
蜂未聞香蝶未知想  
與梅妃爭早起  
嚴粧同對雪飛時

饒他傾國與傾城  
自結空山采伴行  
一樣人間金紫貴  
占人先處惹人驚

惱殺當年武媚娘  
催開不肯逐羣芳  
而今替我飛香早  
可乞清平第四章

重重錦帳護輕風  
脉脉私心感化工  
憐我白頭花福少  
預支春色與衰翁

一自青溪擁綠紗  
年年冷處受繁華  
也虧早把心香展  
不作隨行逐隊花

藏雪

平生最愛月與雪月不能留聽其缺雪更多情來我家  
天之所賜敢拜嘉庚子元宵雪不止主人攘臂清晨起  
呼僮率婢拉老妻滌甕排疊抱筐籠奔前斛雪如斛糧  
晶瑩潔白裁入倉不許纖瑕汚玉粒兼持仙杵擣元霜  
骨冷魂清神轉玉雲階月地全搜蕩已經千斛貯堂中  
猶瞪雙睛看瓦上我聞東吳明珠貢百琲食之不了渴  
與饑又聞穆王俘玉萬萬隻枉費人間八駿力何如我  
之所寶人勿趨片片瓊瑤奇貨居大夫伐冰無此樂匹  
夫懷璧殊堪娛轉眼驕陽六月紅取烹綠茗生清風更  
把楊枝一滴灑醫盡人間熱中者

攝生

瓶裡花難謝  
灰中火易儲  
雖然同一盡  
終竟緩須臾  
徐福蓬萊藥  
軒轅罔象珠  
何如慎眠食  
春夢自蓬蓬

感瓶中梅

戲折紅梅枝  
置之磁瓶中  
其時花干樹  
欣欣開春風  
設身爲梅想  
得無心忡忡  
不與衆爭春  
而來伴衰翁  
翁亦慙頭白  
不稱此花紅  
因之有薄寵  
安放傍簾櫳  
一朝天嚴寒  
雪壓兼霜封  
園花盡凋敗  
細蕊亦疲癯  
視我瓶中梅  
精神方隆隆  
如以金屋姝  
下視山村農  
豈知我折時  
並非情所鍾  
偶然與到耳  
採取由奚童  
凡此榮與枯  
豈可常理通  
一笑語梅花  
萬事皆天公

三月二日小步池上覺雨岼少碧桃數枝方擬購  
買而回頭見叉手揖者門生楊近仁也問何來曰  
爲先生送碧桃來不覺狂喜爲賦一詩

起念買花栽回頭見花至公然天地間有此如意事機  
緣巧湊誰安排桃花未開心花開人生三萬六千日似  
此心開有幾回

景陽閣席上題扇贈歌者曹郎

角巾珠履貌蓮花邂逅相逢羽士家疑是仙人王子晉  
吹笙招我泛流霞

吾家臨汝最情多 春圃 手撥檀槽耳聽歌要試步虛聲

一曲景陽高閣舞曹婆

萍逢不厭白頭狂，恰恰身材似我長。  
並坐燈前堪入畫，一枝瓊樹倚斜陽。

平生不飲沾唇酒，此夕郎教代數卮。  
惹得歸來紅袖問，爲誰沉醉夜深時。

能工楷法寫丹青，不愧張文喚小生。  
只爲髫年曾上學，歌唇時帶讀書聲。

三更分手話依依，道返吳江見面稀。  
且把深情託紈扇，滿懷風送玉人歸。

偶成

人人都厭黃梅雨，我願黃梅雨暫留。  
安得潺湲過三伏，一晴天已是新秋。

一花一草靜相於  
槐有長眉松有鬚  
荷葉生來不知雨  
星星化作滾盤珠

閒掃蕭齋靜掃蠅  
修行何必定如僧  
幽蘭花裡熏三日  
只覺身輕欲上昇

永建五年雙魚洗歌

徐君

龍飲

貽我雙魚洗  
中有永建五年銘  
內府寶造用

九字篆初變隸  
陽文精土花  
漚久翠的爍  
水銀湧過光  
清瑩考建元年  
乃漢順其時  
擁立由孫程  
十九奄人與  
豕血安知不將  
此洗盛厥後  
洛陽火德改  
家家呼唱董  
逃行長安鐘  
簾盡灰燼  
此洗何幸全  
其形鬱壘  
坻伏向  
何處一朝古  
貌山中呈傷  
哉中郎喪老  
成得見虎賁  
如

典型何況此物真漢器閱歷人世千餘齡我學子訓摩  
銅狄更慕圖澄解塔鈴欲詢往事再三扣雙魚作答聲  
丁丁

一笑

啞然一笑向東風蟬唱分明賦惱公底事蜘蛛張網密  
只羅粉蝶不羅蜂

錢坤一少宗伯典試江南榜後過訪隨園卽事有  
贈

同徵四十六年前殿上揮毫事宛然每憶雲仙看碧落  
忽持玉尺下江天鬚眉換盡清談在桃李栽還舊雨  
正擬尋公呼蠟屐八騎先已唱門邊

愛我山莊處處幽一邱一壑總勾留  
卿雲氣煖花爭迎老鶴情深語未休  
難得相逢剛九日自憐此會亦千秋  
知公寫贈孤松意朝野于今兩白頭

賜畫松一幅

吳陽湖相公十六韻

同榜滿朝空晨星一相公如何辭湛露忽又去秋風德  
量裴中立經綸魏弱翁物情深惋惜主眷極初終憶  
昔聯鑣日分遊上苑東衣披宮錦麗酒闌蠟花紅極貴  
原難料廢歌但覺工一朝雲海隔冊載信音通吏部銓  
衡職綸扉燮理功格天無異術行已祇孤忠嶽嶽翔威  
鳳棲棲剩冥鴻書來常念舊言出必由衷影畫凌烟閣  
身歸兜率宮黃墟真渺渺白日太匆匆故第難旋馬靈



旗易轉蓬關心羊太傅俎豆是誰供

公無子

靜裡

靜裡工夫見性靈井無人汲夜泉生蛛絲一縷分明在  
不是閒身看不清

六合唐梅歌

有序

六合西門外吳氏田庄有二古梅相傳爲唐時  
仙人張果所種語雖不經然奇古輪囷在滁州  
歐梅孤山林梅之上殆千餘年物耶惜其隱于  
村野爲歌惜之

有花看梅人所同無花看梅我所獨我來棠邑看古梅  
九月中旬霜氣肅一株大矯乖龍翔一株溼鬱瘦蛟大

皮肉破碎筋骸存跟跼支離苦薜綠想當花開正月天  
香雪橫陳千萬斛使生孤山鄧尉間一奏定邀天子  
目或賜宸翰或寫形頃刻光輝滿山谷如何淹蹇野  
田中此梅有壽真無福香氣常全半矢爭繁枝苦被樵  
夫斲世間萬事總皆然彼姝往往泥塗辱我欲收此千  
年春傍花特起三間屋廣招海內看花人一杯一酌揮  
珠玉傷哉吾齒已衰頽心自有餘力不足急把隄麋磨  
半升灑向花間慰寂寞縱教此樹無人看或者此詩有  
人讀

香亭任江城別駕一年奉廣東太守之命賦詩  
送之

太守官從別駕移五羊城上柳如絲君恩深處忘途

遠家運隆時惜我衰得路馬宜加努力出山雲敢問歸

期不圖焚却西征賦依舊仍吟渡海詩香亭初選四川

日出扶桑自古夸羨君此去最榮華吟來紅豆新成識

生長灘江舊有家弟有紅豆村人詩集生于粵西人號香亭人香國路

過梅嶺折梅花珠娘聽說珍珠似老我猶思一泛槎

會因親老乞江東六載填篋處處同卜宅只離三里近

開花分看兩家紅兒童梨棗交相讓娣姒笙歌聽未終

底事天風忽吹散一場春夢又匆匆

木落天寒雁失羣兩家離緒話紛紛眼前田舍君交我

身後妻孥我托君甲子已周無可老荆花重合轉生

擬登江上高峰送目極孤篷入斷雲

馬孺人歌爲周梅圃觀察作

女貞木鶴鶻不敢棲  
婺女星浮雲不敢翳  
潭州馬孺人  
戾運遘陽九  
明季黃巾亂  
閩門獨自守  
有兒奕奕人中  
豪賊欲餌之  
開科招母命  
拒賊賊大怒  
三百六十二人  
同受刀母受縛  
去罵聲琅琅  
兒求代母伏地  
頭搶更有  
諸姬跪哭母旁  
母問汝何志  
僉云一死無他  
腸母乃大笑  
神洋洋難得三  
婦艷都是千年  
霜人生貴死得  
其所耳全家赴  
義皎如明月光  
果然 聖人出  
妖雲滅綽楔  
煌煌加龍秩  
兒子捧盤祭  
母穴仇人之首  
猶帶血孫曾  
子姓多纓簪  
苦節之後報  
以甘嗟乎孺  
人之賢誰與  
偶

古來只有王陵母

題南浦觀祭雙鶴對立圖

一鶴矯翼翔一鶴凌風舞一客披衫立軒軒共霞舉客  
巧青雲人朝陽丹鳳侶胡爲不冠巾與鶴相爾汝客云  
我有心別自藏靈府不能向人言惟有對鶴語鶴住我  
爲賓我行鶴爲主行將挂烟帆歸看鷺湖雨高于清獻  
公一琴亦不取畫師更清絕白描擅千古人立不倚山  
鶴立不踏土安得乘軒人風懷淡如許

小雪日香亭弟贈灰鼠裘

雪珠如豆打茅茨阿弟贈裘趁此時仙鼠蒙茸真可愛  
老身長短更相宜舊來小試妾寧看分得餘溫手足

但願多情如晏相一披便作卅年期

香亭和

雪壓茅簷雨掩茨山風珍重乍來時  
衰年每每怯豐貂  
重小冷無如此服宜毛裡天觀千古共箕裘  
心事兩人知  
期兄當作姜家被同叟同披沒了期

嫁鶴詩和章淮樹觀察

桐城觀察水雲居爲鶴求婚寫聘書  
園晏代行親迎禮  
高軒一乘下蓬廬

隨園山瘦稻梁稀爭及安園飲啄肥  
笑嫁仙禽如嫁女  
勝吾家處讓他飛

三年棲息主人恩一旦穩穩舞出門  
未免數聲離別淚

滿山花鳥盡消竟

送鶴丁寧語莫忘好隨嘉耦共翱翔  
九臯鳴處須珍重

休啄梧桐惜鳳皇

調公寵姬鳳姊

小倉山房詩集卷二十七

辛丑

錢唐袁枚子才

遣興雜詩

老妻怕我開書卷一卷書開百事忘  
手把陳編如中酒今人枉替古人忙

新年無計慰衰翁春日尋春小苑中  
拜領東皇無別物綠梅花上過來風

小步閒拖六尺藤空山來往健於僧  
栽花忙處兒呼飯夜讀深時妾屏燈

抹月批風意自如有時此老亦拘拘  
懽場獨靜因除酒聞裏生忙爲著書



休焚沉篤防花妬且住笙歌讓鳥吟開卷古人都在目  
閉門晴雨不關心

枕上推敲忘夜長苦吟人與睡相妨無端窗外風濤急  
生恐蛟龍走上床

歲月堂堂秋復春山花山草逐時新有時獨坐還自笑  
回憶少年如古人

牽車前

許滄亭觀察繪齋將一家人物器用盡置車上  
主人負長繩曳之而走有持鞭者暗中笞督蓋  
亦借齋醒世之意

全家置一車主人率以走車中坐妻孥車旁立僕婦車

頭載尊鼻車尾曳箕帚更有暗中神持鞭督其後雖休  
勿能休自辰直至酉日暮途窮時精神難抖擻猶有卷  
戀心一步一回首試問牽車人何如車上狗狗態尙安  
閒汝身能逸否但願繩忽斷牽覆車中酒或者醉糟中  
一笑且放手

遊蘇州得五律六首

風花三月半我駐虎邱車娛老常攜妾消閒更帶書上  
山筇竹健擲笛水窻虛借寓誰家宅樊川杜牧居謂開  
遠訪支硎寺輿夫識我不轉輪高殿活洗鉢小池幽香  
火諸天盛凡心一拜休觀音無別樂受盡美人頭  
小立三叉路輕衫忍薄寒萬峯初過雨一客獨憑欄柳

葉成陰易花枝出色難額羅如許仄應作服妖看

近州蘇州

女子抹額不滿半寸

聽雪寒山下亭臺入畫窗樹深禽語亂雨久瀑聲轟曲折雲廊轉高低石磴鋪女兒多半怯伸手索娘扶

靈岩渺天半形勝稱堯宮玉殿松雲色金鈴寶塔風太

湖來掌上飛鳥去烟中歸讀瀧岡表榮華想畢公

秋帆中丞

祖塋在山之側

吾宗有賢者卜宅古楓橋愛咏小園賦時將大院招書香同萬卷酒量讓三蕉且學堂前燕年年宿一宵

謂漁洲

贈吳孝侯

延陵家世小仙風卜築秦淮古巷東杖履自稱黃髮夏

丹青愛寫白猿公五侯門第裾常曳一笛梅花山未終  
我得君爲方外友溪山不復訪盧鴻

吳以畫猿得名  
故有第四句

供芍藥數十枝終日對花獨坐

我寧負人不負花花開時節常歸家今年出門語芍藥  
留花待我歸來夸果然歸時花正盛烝紅爛紫騰雲霞  
折花卅枝膽瓶供高低位置圍屏遮炤影遠安琉璃鏡  
護風近障輕容紗霓裳爭舞月殿女香珮盡解吳宮娃  
華鬢之天化人國神魂雖蕩思毋邪人生長得對花坐  
比拖金紫誰爲佳况我衰年急行樂看春生怕斜陽斜  
此樂豈可使卿共爲花辭客客休嗟譬如桓子受女樂  
不朝三日何妨耶

覺老

行時躑躅坐曹騰自覺今年老不勝藏物怕忘憑筆記  
看山雖好讓人登宵眠不待更三點晝食曾無粟半升  
大槩衰翁何所似春來殘雪曉來燈

送史孀偕鵬姑還溧陽

我年如媼小簪筆明光宮特奉天子詔學于文靖公  
公方作冢宰絳帳開春風月課諸詞臣命擬疏一通我  
時習翻譯技癢獻雕蟲公大加擊節逢人夸終童從此  
許升堂執經相追從三朝問文獻六部談兵農至今心  
胸間昭然如發蒙其時少司馬恩蔭官郎中每于鯉庭  
趨得親公子容長安爲別山左重相逢命作治河記

南衙酣金鍾迢迢三十年雲泥隔數重忽然蹇修來欲  
以婚姻通公卿能下士此意古人同卿雲照小草女蘿  
附蒼松齊大不敢辭楚國遂乘龍今年二月春館甥倉  
山東芳蘭如解意花開並頭紅江梅亦相賀萬朶香雲  
濃嬌貌既美好嬌性尤明聰勉旃繩祖武勛業垂隆隆  
當年門弟子此日孫婦翁先師如有知九原笑未終  
鵬姑貌中下天資頗和柔媿媿七歲時脫口咏雉鳩字  
學衛夫人揮毫作撇勾書讀宣文君音義相咨諏將筭  
失所恃于爺更綢繆脂粉放粧臺縹緗堆兩頭我欲考  
奇字命渠字書求我欲聞異聞渠齊諧搜徵典代祭  
獮分韻替拈鬪公然女記室風雅冠士流一朝嫁公子

江上掉蘭舟蕭蕭白髮翁觸目生離愁丁寧復丁寧辟  
咄不能休善承公姥意好偕娣姒遊相府作羹湯敬慎  
毋愆尤藏我數行字當作奩贈收揮我衰年淚當作珠  
璣投媚也誦余詩謂其是也不

碧紗幮

三丈吹綸障熱風詩隨人住碧紗籠青蠅白鳥遠相看  
奈此蕭然白髮翁

病中戲作

我不願來而忽來我不願去而忽去不知來自何方去  
從何處此中自有真消息天不能言我代說只等盤古  
老翁依舊活我來尋我自來得

衰年雜咏

支硎山下看花還  
又看真州競渡船  
行樂不教遲一刻  
光陰知是夕陽天

作字燈前點畫粗  
登樓漸漸要人扶  
殘牙好似聊城將  
獨守空城隊已無

長短衣裳潤狹冠  
卅年變換太無端  
幸虧守定當初式  
古樣重當時樣看

泮水風光閩苑春  
記來事事總銷魂  
妙人那得來優孟  
把我平生演一番

同榜同官屈指稀  
門生門下又孫枝  
三朝舊事填胸滿  
獨立斜陽說與誰



結習由來掃未除一燈猶自課三餘隨抄隨摘隨忘記  
偏記兒時讀過書

半刻清談覺氣差未行三步想呼車空留兩隻婆婆娑眼  
貪看人間霧裏花

三尺遺書楹下藏半生甘苦最親嘗名山事業憑誰付  
學識之無七歲郎

真州竹枝詞

流過揚州水便清鹽船竿簇晚霞明江聲漸遠市聲近  
小小繁華一郡城

誰家結構好樓臺水榭雲廊幾處開底事銅魚管風月  
終年不見主人來

都天會起賽神忙兒女沿隄盡點香絕似嫦娥頰令甲  
一齊月色着衣裳

最好城河水二分開窻終日鳥聲聞叅天兩岸樹陰合  
中有人家住綠雲

一過清明玉笛飄釵光鬢影上輕舫只須守住東關路  
花去花來早晚潮

板橋宛轉采虹垂沙淺湖平艇過遲郎忽相逢妾難避  
大家都是落篷時

連朝分付小篙工隨意閒遊但聽風難得吟聲花外落

水牕圍坐幾詩翁

謂吳正民諸君

何必桃源放槳行此中仙景足幽清何時小購三間屋

閒倚雕闌過一生

自嘲三絕

官量原如酒量千杯半盞殊科我是人間小戶十年官  
已嫌多

飲酒樗蒲度曲人生遣興三條我竟一齊不解公然樂  
過終朝

游戲貴人席上支吾年少場中賴是天機活潑不然誰  
理衰翁

新涼

人皆愁久暑我却怕新涼味似官初罷情疑寵不常晨  
昏難適體衣服屢同箱安得彈琴客先教奏履霜

曹子建有感婚賦余做之作感婚詩寄省堂

隨園山人事早只有兒生年已老省堂孫曾繁且滋  
乖老偏添一女兒兩人老筆將毋同我戲盡作親家公  
省堂未諾顏先笑道有奇緣爲子告當年鳴笳六詔天  
閨中慘喪鴻妻賢正逢遺挂驚心目那有鸞膠再續絃  
門外蕭蕭馬戾止一老來修相見禮身佩藜韞道姓殷  
家有初筭未嫁女願充側室戴香纓長捧盤匱侍君子  
我急搖手謝不遑請翁觀我髣邊霜已經老圃橫秋色  
忍把桃花種夕陽股翁心事從頭說家本金陵舊黃籍  
少走滇南長百丈漸置田廬歸不得公能攜女到江南  
好替家鄉留一脉我感翁言許迎娶東風吹起沾泥絮

一夕金鬢蓬白家四年玉鏡思溫媾今朝與子結天親  
殷翁見解信通神果然此老嬉遊處安置他家女外孫  
萬里合教青鳥使一函先報白頭人客冬臘雪紅燈映  
剪刀遣作巾箱聘秦晉絲蘿兩處牽劉盧仙籍三生定  
新春園柳叫睢鳩高固雙雙到此遊嬌娃抱出珠同耀  
阿嬈同來花見羞人間似此婚姻樣一笑都將媒妁忘  
要知萬事總由天半是因緣半福量君不見陵川集裏  
有長歌天賜夫人作宰相

彭芝亭大司馬八十索詩

畫錦堂開八秩樽卿雲光采耀吳門人間元老三朝少  
海內靈光一殿尊玉尺已裁寰宇福金針還與故鄉論

時學教

蘇州 文昌雜錄科名記首說鰲頭兩祖孫康熙求

領袖清華五十霜  
文入中有郭汾陽  
曾官樞密威常在  
再宴瓊林話正長  
屈指東南誰伯仲  
滿朝金紫半門墻  
乞歸更荷 君恩重  
許住平泉水竹莊

尚書風貌鶴同清  
瀟酒何曾似六卿  
樓起三層雲對坐  
集成一品世孤行  
仙郎已擅朝中貴  
佛子還從膝下生

四公子尺木 竹看蟠桃親手採  
家風真不愧彭鏗

進士好佛 鰲生弱冠受恩知也  
復蕭蕭兩髻絲  
冒雨常迎嚴武駕  
憐才屢和樂天詩  
只因路隔江波遠  
未免籌添海屋遲

蒲柳倘同松柏茂  
他年扶杖祝期頤  
丁丑二月公  
遊隨園遇雨

謝錢觀察三伏日賜冬醃菜

當暑難求儲飲鮮金鹽玉豉話空傳黃芽忽嚼三冬雪  
赤日全消六月天物是過時裁見貴口因同嗜轉相憐  
多公冷處留餘味那用何曾食萬錢

和竹西公子歸鶴詩

老鶴飛歸月二更滿園花作故人迎不愁羽客去無主  
但覺雲仙來有情小步池塘尋舊伴重看軒蓋似前生  
憑欄聽得家僮報頂上丹砂色倍明

肯把滄桑說是非乘風還舞釣魚磯雲霄志在終須去  
館穀恩深敢不歸暫別梅花心耿耿仍逢雛鳳話依依  
遙知一品衣成後更向君家身上飛

惆悵詞邀淮樹觀察同作

三月姑蘇花下行天桃一樹最關情如何欲折不曾折  
空惹黃鸝啼數聲

記得人扶出畫堂小家生長大家妝惜春御史忘春老  
盼殺驚鴻下夕陽

莫惱遊蜂樓上遊藁砧原本欠風流試看夜半聽琴客  
嫁得相如便白頭

空把瓊函問再三迢迢秋水隔江南佳人好似瑤池果  
一落風前鳥便舍

十里雷塘廿四橋吳娘遠唱雨瀟瀟可知有個多情叟  
安汝心頭尙未消

祝史抑堂少司馬七十



八卷上  
九  
一片卿雲耀里閭方瞳綠髻七旬初蕭曹世胄雖恩蔭  
韓范平生早讀書九月黃花香晚節十年司馬賦閒居  
旁人爭把神仙比我覺神仙尚不如

欲把忠勲寫上詩盡臣風采畧聞知治河邵父碑長在  
決獄秦臺鏡不疲閩粵蔡襄無釋政潮陽韓愈有生祠  
至今誰把廉泉飲合浦明珠有所思

卜築平泉月一齋竟將鐘鼎換樓臺許歸 恩比加官

重行樂身能及健回愛寫黃庭將墨試閒聽仙鶴報花

開公臨聖教序  
直逼右軍盈盈湛露宮袍滿新自鈞天 賜宴來

鸞鳳分明時絳霄絲羅偏喜結蓬蒿想因孔李通家厚

忘却崔盧舊族高髯影牕前多玉女書聲膝下盡雲璈

遙知一盞麻姑酒紅徧綏山萬樹桃

置榭

我有不朽在何必形骸謀但聞置榭語傳自古諸侯預  
凶雖非禮藉幹終無憂友自西蜀來贈我榻柎木其大  
可蔽牛其堅可比玉筮月得闌五命彼匠慶斲創爲四  
阿形賦成六合體斑斑狸首文鬱鬱異香起匹如華屋  
成未住心先喜屋成人所同一過如飄風榭成惟我獨  
偃然卧其中大哉此居乎歷劫恐未終想其蟠蒼穹豈  
肯入黃土奈爲賢者屈與我共千古且當女手卷摩挲  
日三五

題羅兩峯畫丁敬身像

古極龍泓像丁號龍描來影欲飛看碑伸鶴頸拄杖坐  
苔磯世外隱君子人間大布衣似尋科斗字倉頡廟中  
歸

題兩峯鬼趣圖

我纂鬼怪書號稱子不語見君畫鬼圖方知鬼如許得  
此趣者誰其惟吾與汝

畫女必須美不美情不生畫鬼必須醜不醜人不驚美  
醜相輪回造化卽丹青

鬼死化爲彈鴉鳴國中在君盍兼畫之比鬼更當怪君  
曰姑徐徐尙隔兩重界

和辛相少詹咏物二首

圓几

彎環月樣几橫陳置酒應招看月人讓處不知誰首席  
坐時只覺可添賓天星合璧書稱瑞粉蝶成團影亦春  
悟得轉圓行智意朱門蓬戶好安身

煖炕

誰把春臺作睡鄉烏曹磚上不知霜恍疑故國眠焦土  
尙記新婚坐煖床夢惹敬兒通體熱熏宜荀令幾重香  
燕姬也像唐花樣烘出精神覺勝常

再咏前題索辛楣和

圓几

禪門說法重圓光巧匠偷來制器良折角定煩修月斧

供花合獻轉輪王，卿如戴笠來相稱。  
我愛團瓢小不妨，記得中秋好時節。  
大家說餅進盤觴。

煖炕

氤氳一榻置蒲齋，火迫鄧侯笑口開。  
昏夜至今多熱客，雨雲從古屬陽臺。  
烝憐鬢雪消難盡，煖覺冰人夢不來。  
知否清寒門外客，繩床猶是盼春回。

山隣塗爽亭孝廉工小兒鬻園中暮鶴天豚皆所  
脗視年九十二而卒賦詩哭之

昨日支筇訪薛蘿，今宵墟下渺山河。  
常迎康節花間至，看活董烏世上多。  
屈指已成三世佛，傷心未唱百年歌。  
他時倘有倉舒病，難向人間覓華佗。

周瑜墓

天生一將定三分才貌遭逢總出羣  
大母早能知國士小喬何幸嫁夫君  
能拋戎馬聽歌曲未許蛟龍得雨雲  
千載墓門松柏冷東風猶自識將軍

旌旗指日控巴襄底事泉臺遠束裝一戰已經燒漢賊  
九原應去告孫郎管蕭事業江山在終買年華玉樹傷  
我有醇醪半尊酒爲公惆悵奠斜陽

第二番桂

木犀開過小山房第二番花較勝常  
金粟似招前度客月宮真有返魂香  
不愁青女霜將白只恐嫦娥額太黃  
寒菊在旁應笑語似儂遭際兩重陽

題板橋遺迹圖 有序

余春秋二十有七作宰金陵偕詩人朱草衣訪  
板橋遺迹苦其荒圯難稽垂四十年矣今秋吾鄉  
吳小谷廣文來憑弔之餘屬揚州羅兩峯書成  
此卷屬余加墨

西泠才子最多情聽雨秦淮髻欲星尋得十三樓舊址  
教人收拾上丹青

荒烟一片館娃宮往日笙歌此日風賴有范寬能寫影  
樓臺還在有無中

君來作別話依依返櫂秋江一葉飛定向故鄉親友笑  
袖中攜得板橋歸

翟志登聽雪圖

凍雨飄山牕沙沙聲不止坐而聽者誰溫伯古雪子初  
聽若希微再聽雜宮徵空花墜欲鳴折竹啼復起分明  
寂萬籟轉足娛雙耳古來聖之清所得多在此試撞萬  
石鐘何如一溪水

揚州遊馬氏玲瓏山館感弔秋玉主人

山館玲瓏水石清邗江此處最知名橫陳圖史常千架

供養文人過一生

吾鄉購太鴻陳授衣  
諸君皆主於其家

客散蘭亭碑尙

在草荒金谷鳥空鳴我來難忍風前淚曾識當年顧阿

瑛

題桃樹



二月春歸風雨天碧桃花下感流年殘紅尙有三千樹  
不及初開一朵鮮

做元遺山論詩

遺山論詩古多今少余古少今多兼懷人故也其所未見與雖見而

胸中無所軒輊者俱付闕如

不相菲薄不相師公道持論我最知一代正宗才力薄  
望溪文集阮亭詩主新城

生逢天寶亂離年妙味香山長慶篇就使吳兒心木石  
也應一讀一纏綿吳梅村

平生低首味和堂字字珍珠夜有光可惜安陽魏公集  
竟將勛業掩文章高文良公

不料昇平兩相公揮毫冰雪滿心胸金盤玉露高

轉覺嘗來味不濃

張文和公

鄂文端公

他山書史腹便便每到吟詩盡棄捐一味白描神活現

畫中誰似李龍眠

查他山

天風拂拂響雲和柳惺三生慧業多最是淫思兼古意

西湖堤上竹枝歌

楊次也

西崖愛好風調佳魚魚雅雅典亦該懷清堂集繼蠶尾

似此公卿那得來

湯西崖

莫將死句入詩中此訣傳來自放翁掃盡粗豪見靈活

唐室真比稼堂工

潘稼堂

黃石牧

論詩竹素太拘拘苦守開元大歷初恰有唐音追到處

一時沈范兩尚書

詩子選

沈子大

軍門夜靜有吟聲水碧金膏一樣清誰信牙旗八州督

半生甘苦勝書生

尹文端公

方敏慈公

酷嗜莘田香草齋芬芳悱惻好風懷休嫌發洩英華盡

唐代詩原中晚桂

黃莘田

搖筆何須手八叉蘭坡速藻繼南華前生宿構今生寫

王粲精思也莫加

張南華

周蘭坡

小雅才兼大雅才僧虔用典出新裁幽懷妙筆風人旨

浙派如何學得來

厲樊榭

一縷清絲裊碧空半飛天外半隨風盤餐別有江瑤柱

不在尋常食譜中

金冬心

氣猛才豪老尙堪施首梁詩以外孰清談平心細按三

千首一集終須重嶺南

杭大宗

奴僕何妨直命騷風流從古有人豪自題集內謙謙語

詩品官階兩不高

內寶意

騎鯨跋浪是生平要與雲龍韓孟爭絕好東南飛孔雀

一篇烈女李三行

胡稚威

束髮惜惜便苦吟白頭才許入詞林平生絕學都探遍

第一詩功海樣深

程魚門

雲松自負第三人除却隨園服蔣君絕似延平兩龍劍

化爲雙管鬪風雲

蔣茗生

趙雲松

漁村幼魯謝皆人淡遠清微自一門何必叅天說松柏

幽蘭不礙小磁盆

張漁村

符幼魯

謝皆人

彈絲吹竹譜宮商刻意推敲格調蒼不許神通破禪律

遺山心早厭蘇黃

王夢樓

柘坡古體衡帆律介祉清華東井奇更有陸甥風調好

天能亡汝不亡詩

萬柘坡  
高東井

程衡帆  
陸涓君皆早死

王介祉

書巢健筆頗稜嶒入蜀詩多近少陵揮盡俸金留底物

白頭一盞讀書燈

湖書巢

建安詩格弟兄同賈氏聯珠個個工想見高陽家法好

一團清氣此門中

慶兩峯

似村

樹齋

雨林

鄭虔未老傳三絕謝覽芳蘭自一生底事獨加皇甫序

愛他絃外有餘聲

錢竹初

絕世聰明推蔡徒肯將簪紱換江湖桃花一絕高僧

看到紅雲盡處無

嚴冬友

常州星象聚文昌  
洪顧孫楊各擅場  
中有黃滔今李白

看潮七古冠錢唐

雅存

立方

淵如

蓉裳

仲別

小別隨園僅十年  
記來吟句總如仙  
朝朝替誦仁王懺  
劫火休燒宋笠田

宋笠田官甘肅

鮑照聲名本不虛  
海門吟稿冠南徐  
佳兒佳句吾尤愛

書味清于水養魚

鮑海門

雅堂

吾鄉近日數詩家  
我愛山舟與嶼沙  
妙絕風人吳小谷

萬行書對一瓶花

錢嶼沙

梁山舟

吳小谷

雙佩齋詩孰品題  
詩亭才調笏山齊  
青鸞獨立瑤池雪

不着人間半點泥

申笏山

王葑亭

扁舟常自泊姑蘇樂圃爭迎白岸趨今日應劉都逝盡

阮元瑜在覺身孤

張樂圃

沙斗初

張昆南

皖江才調孰清新今有星村舊嘯村更喜新安楚南子

遺編堪與古人論

李嘯村

魯星村

陳楚南

星樹星巖七字佳是儂提出好才華如何一作風塵吏

一入零星考据家

黃星岩

丁星樹

香亭風味學家兄宋氏郊祁各性情此目嶺南詩太守

弓衣繡滿越王城

家香亭

常把梅岑比竹橋一沉滄海一雲霄要知劍氣珠光在

班底終難壓百僚

吳竹橋

陳梅岑

白門從古詩人少全剩南園與古漁更喜開門正

無人解叩子雲居

陳古漁

何南園

方子雲

天涯有客太踈癡錯把抄書當作詩抄到鍾嶸詩品曰  
該他知道性靈時

夫已氏

周蓉衣因論中未及其詩有陶胡奴拔刀之意乃

補三首以箴之

周子高才迥不羣拙思竟有葛莊新

劉廷璣

東風剪柳雖

然巧不到天然不是春

幻出烟雲萬種看先求紙上字平安黃庭初搦綠何貴  
寫到剛剛恰好難

從古風人各性情不須一割拜先生曹剛左手興奴右  
同撥琵琶第一聲